

本草綱目拾遺草部中目錄

金豆子

附夜關門

接骨仙桃

七葉黃荊

山黃荊

救命王

附金不換

黃麻葉

六月霜

山海螺

水楊柳

小將軍

九鼎連環草

牛筋草

翠羽草

半嬌紅

普賢線

藏紅花

土紅花附

阿勃參

茄連

靈通草

羅裙帶

金狗脊

雪裏開

雪裏花附

苦草

山馬蘭

野馬蘭

獨腳馬蘭

玉淨瓶

紗帽翅

石風丹

象鼻草

透骨草

不死草

拳黃雞子

雞腳草

刀鎗草

苦地膽

箭頭風

紅果草

勾金皮

琉璃草

仙人凍

金絲草

紅珠大鋸草

金剛草

臺七里

番薏茹

馬尾絲

方正草

七仙草

大母藥

藍布裙

露筋草

百里奚草

黃德祖

斑節相思

野丈人

戴文玉

金果欖

雁來紅

天燈籠草

見腫消

千年老鼠屎

辟瘟草

魚鱗金星
鳳尾金星

水茸角

老鴉蒜

玉如意

四方如意草

水楊梅

野靛青

困來草

走馬胎

蒼耳子油

飛鸞草

青烟白鶴草

本草綱目拾遺卷四

錢塘趙學敏恕軒氏輯

草部中

金豆子

夜闌門附

百草鏡一名金花豹子三月生苗十月枯雖豆類
卻不起蔓本高一二寸分枝成叢葉似槐而稍大
處暑時開黃花五出磬口蠟梅似之結莢向上類
蜂螯而短長只二三寸實似綠豆而扁皮有紫斑
較綠豆稍大味淡

子 治疔癰如神

本草綱目卷四
葉 治腫毒茅氏傳方以葉曬研醋和敷畱頭卽
消或酒下二三錢

按傳澹菴草花訣金豆子開黃花子如綠豆入滾
茶味清香卽草決明寧憲王救荒本草有山扁豆
卽莊芒決明味甘滑可作酒麴俗呼獨占缸苗葉
花子皆可淪茹及點茶食所載形狀亦與金豆子
同而瀕湖綱目決明後附莊芒云性平無毒火炙
作飲極香除痰止渴令人不睡調中隋稠禪師採
作五色飲以進煬帝者是也無治疔腫之說故並
存以備考

夜關門

葉如槐夜卽合開黃花仁和筧橋人多種之俞曉
園云有草木二種草本者良木本者乃合歡也能
追風取皮治肺癰不斂熬膏貼毒生肌收口

按綱目馬蹄決明葉亦如槐晝開夜合其葉本小
末多秋開黃色花或卽係決明但綱目於決明子
下亦不言疝氣今並存之

莢 治疝氣

接骨仙桃

一名奪命丹活血丹蟠桃草生田野間似鱧腸草

結子如桃熟則微紅小如菜豆大內有蟲者佳百草鏡仙桃草近水處田塍多有之穀雨後生苗葉光長類旱蓮高尺許莖空摘斷不黑亦不香立夏後開細白花亦類旱蓮而成穗結實如豆大如桃子中空內有小蟲在內生翅穴孔而出採時須俟實將紅蟲未出生翅時收用藥力方全蓋此藥之用全在蟲須曬焙令內蟲死若掛懸風乾恐內蟲生翅而出藥亦無用矣按此草須芒種後採若過夏至則蟲穴孔而出化爲小蚊苞空無用矣

性溫味甘淡消癰腫跌打或搗汁或屑服俱效

治肝氣和胃 集聽云一名八卦仙桃此草生田
野葉如石榴葉實如桃子絕小内生小蟲者眞取
實連蟲用○一方專治肝氣胃氣小腸疝症用仙
桃草有蟲者金橘核福橘核葦澄茄各等分爲末
砂糖調丸菉豆大每晚服一錢許至重者二服斷
根

治勞損虛怯 百草鏡云取有蟲仙桃草用童便
製透入補藥用

治吐血 百草鏡云用新鮮接骨仙桃草搗汁加
人乳和服按吐血諸方皆用涼血之劑惟此藥性

熱加人乳能引血歸經故妙

跌撲損傷 救生苦海用地蘇木五錢八角金盤

根一錢接骨仙桃草五錢臭梧桐花三錢煎酒服

七葉黃荊

一名豬臥草地五爪珠子草烏食草烏蛇草七絃

琴亦名七葉黃荊藤生土牆腳下陰地葉尖長相

對三四行成一瓣莖上起稜一凹間紫色白露後

抽心高三五尺開細白花成簇結子亦細碎霜後

紅如珊瑚細珠根長而白入藥○百草鏡云此種

有木本者名芊芊活治跌撲癰腫

味甘生服能令人吐

治勞力傷跌打魚口漆瘡煎湯洗

治便毒搗汁將肥皂一個煨存性調酒服渣敷

患處罨之

治跌撲損傷閃腰挫氣痛集聽云此秘方也用

烏蛇草曬乾爲末砂糖酒調服最凶者加童便須

端午日午時收者更效若急用不拘時日取鮮者

搗爛服發汗愈此草有五名一曰烏蛇草一曰烏

龍草一曰豬臥草一曰七葉黃金因其葉七片一

枝或五片大者九片其根各千秋藤九十月間頂

上結紅子曬乾吞之可治疝氣

汪連仕草藥方七葉黃荊俗呼扞扞活又名放棍
行又名珊瑚配與烏蛇草別一行血敗毒洗一切
瘡疥鬼箭風

山黃荊

玉環志葉似楓而有杈結黑子如胡椒而尖可屑
粉煮食又有水荊似藜結黑子不可食剪其枝可
以接梨入藥用山荊
消食下氣

退管方

黃荊條所結之子炙燥爲末五錢一服

黑糖拌空心陳酒送服專治痔漏之管服至管自退出

九竅出血 救生苦海黃荊有二種赤者爲楷青者爲荊其木心方其枝對出一枝五葉或七葉葉如榆葉長而尖作鋸齒五月時開花紅紫色成穗子如胡荽子大有白膜皮包裹用其葉搗汁酒和服二合立止

骨蒸勞熱 養素園驗方六月雪黃荊子稀荻草何首烏當歸川芎熟地白茯苓水二鍾薑三片煎八分服有痰加半夏

漆瘡 姚希周經驗方烏蛇草不論鮮乾一握煎湯一洗卽愈

傷寒發熱而呃逆者 回春用黃荊子不拘多少炒水煎服立止

杖瘡起疔甲 黃荊子焙乾爲末搽上卽開不用刀刮

肝胃痛 周山人方用黃荊子研末和粉作團食一二次斷根

腳蛙 周氏方用黃荊嫩腦葉搗爛罨上卽愈

救命王 金不換

一名死裏逃生

治小兒感冒風寒咳嗽大人傷力損傷吐血諸風
疼痛無名腫毒

金不換

亦名救命王似羊蹄根而葉圓短本不甚高此草
出於西極傳入中土人家種之治病故山澤中不
產立春後生夏至後枯用根綱目三七亦名金不
換與此別又木本亦有金不換

汪連仕草藥方金不換大葉者爲金鉢盂大接胃
草細葉者小接骨草吐血頗效因呼爲吐血草軍

中箭傷罨之效卽呼箭頭草

性平破瘀生新治跌打消癰腫止血愈疥癬和糖

醋搗擦 載蟲傷用葉搗塗 治肺癰

葉能伸臂力開硬弓臂痛或力弱不能弓者取其
葉揉軟覆膊上以帛束之過夜痛者卽定疼且全
力俱攝入臂上開弓更不費力營伍需爲要藥

腫毒初起 百草鏡金不換草根葉不拘搗碎五

錢陳酒煎服

肺癰 百草鏡金不換草取根一兩或葉七瓣搗
汁酒煎服三次愈不論口臭吐穢物者皆效

風痛 楊氏驗方金不換錢半小活血枳殼蘇葉
當歸各三錢烏藥川芎各二錢花粉五錢老酒一
觔煎熱服

跌打疼痛風氣 慈航活人書救命王卽金不換
葉如冬菜葉春夏用葉冬用根搗汁沖酒服渣加
毛腳蟬搗爛敷如風氣只用渣敷

汪連仕方行血破血合地蘇木落得打共酒服

黃麻葉

醫方集聽云此治諸血之聖藥一名牛泥茨一名
三珠草一名天紫蘇三月生苗如麻葉有微毛取